

Evening Dogri (NSD) Bulletin 23-03-2024

आकाशवाणी

खास खबरां ..

1 प्रधानमंत्री नरेन्द्र मोदी होर दऊं दिनें दा भूटान दौरा मुकम्मल करियै नमीं दिल्ली परतोई आए न। उनें आक्खेआ जे उंदा एह दौरा बड़ा खास रेहा ते दौनें मुल्खें बशकार सरबंधें च होर मजबूती ओने दी मेद दस्सी।

2 औंदे लोकसभा चुनाएं च ऐकती 1 करोड़ 80 लक्ख ऐसे मतदाता होंगन जिंदी उमर 18–19 ब'रे दी ऐ ते ओह पैहली बारी वोट पाने दे अपने हक्कै दा इस्तेमाल करगंन।

3 हिमाचल प्रदेश दे 6 साबका विधायक जिनेंगी बतौर कांग्रेस दे विधायक अयोग्य करार दित्ता गेदा हा, अज्ज नमीं दिल्ली च बीजेपी च शामिल होई गे न।

4 सुप्रीम कोर्ट दे जज जस्टिस सूर्यकांत होरें जिला सतह पर अदालतें ते न्यायिक बवस्था गी निग्गर ते

बेहतर बनाने पर जोर दित्ता तां जे आम लोकें दे मसलें दा नबेड़ा उस सतह पर गै रमानदारी आले ढंगे सिर होई सकै ।

5 रूस च कल होए दे आतंकी हमले दी दुनिया भरै दे मुखे सख्त निंदेया कीती ऐ । मास्का च इक संगीत कार्यक्रम दरान आईएसआईएस दे आतंकवादिएं अन्नेवाह गोलियां चलाइयै केई लोकें गी घायल करी दित्ता हा, 115 कोला मते दी मौत 120 कोला बीमते घायल ।

6 आईपीएल सीजन 17 दे अज्ज खेड्डे गेदे पैहले मैच पंजाब किंग्स नै दिल्ली कैपिटल्स गी 4 विकटें कन्नै हराई दित्ता ।

<><><><><><>

India Bhutan

प्रधानमंत्री नरेन्द्र मोदी होर भूटान दे अपने दौ दिन दे दौरे मगरा अज्ज दपैहरी मगरा नमीं दिल्ली परतोई

आए। भूटान नरेश Jigme Khesar Namgyel Wangchuck होरें प्रधानमंत्री मोदी हुंदे लेई विशेष सम्मान प्रगट करदे होई उंदे कन्नै हवाई अड्डे तक्कर आए ते विदेया कीता। प्रधानमंत्री मोदी ते भूटान दे उंदे समकक्ष शेरिंग तोबगे होरें थिंपु च इक आधुनिक अस्पताल Gyaltseen Jetsun Pema Wangchuk Mother and Child Hospital दा अज्ज बडलै उद्घाटन कीता। एह अस्पताल भारत सरकार दी मदद कन्नै 2 चरणें च बनाया गेआ ऐ। पैहले चरण च अस्पताल गी 22 करोड़ रुपें दी लागत कन्नै बनाया गेआ हा ते 2019 थमां कम्म करा'रदा ऐ। अस्पताल दे दुए चरण दा कम्म 119 करोड़ रुपें दी लागत कन्नै हुन पूरा होआ ऐ। इस अस्पताल कन्नै भूटान च जच्चा-बच्चा सेहत सेवाएं दी गुणवत्ता च बड़ा सुधार होग। विदेश मंत्रालय नै आक्खेआ ऐ जे Gyaltseen Jetsun Pema Wangchuk Mother and Child Hospital भारत भूटान दी इक शानदार मिसाल ऐ। अस्पताल दे उद्घाटन मगरा प्रधानमंत्री नरेन्द्र मोदी

होरें नमीं दिल्ली लेई प्रस्थान कीता। भूटान नरेश Jigme Khesar Namgyel Wangchuck ते प्रधानमंत्री तोबगे होरें श्री मोदी होरें गी हवाई अड्डे पर विदाई दित्ती। श्री मोदी होरें इक सोशल मीडिया पोस्ट च आक्खेआ ऐ जे उंदा भूटान दा दौरा बड़ा खास रेहा। उनें भूटान दे लोकें आस्सेआ गर्मजोशी ते मेहमान नवाजी लेई धन्नबाद कीता ते इक ग्यालपो पुरस्कार लेई भूटान दा आभार प्रकट कीता।

<><><><><><>

EC-Special

औंदे लोकसभा चुनां च 18 शा 19 ब'रें दी उमरी आले कोई इक करोड़ 80 लख मतदाता, पैहली बारी वोट पांगन। इस मकसद लेई I Vote For Sure केई सोशल मीडिया अभियान शुरू कीते गेदे न तां जे पैहली बारी वोट पा'रदे नोजवानें गी प्रेरित कीता जा। ऐगती 19 करोड़ 74 लख मतदाता 20 थमां 29 ब'रे दे न। चुनां आयोग मूजब 17 ब'रें दी उमरी आलें दे

13 लकख 40 ज्हार आवेदन हासल होए दे न। आयोग आस्सेआ सचिन तेंदुलकर ते राजकुमार राओ जनेह राष्ट्रीय व्यक्तित्वें दा बी इस कम्मै च सैहयोग लैता जा'रदा ऐ। मतदान च शामिल होने आस्तै प्रेरित करने लेई सोशल मीडिया अभियान ऐ रेडियो कार्यक्रम चलाए गेदे न। चुनां आयोग वोट पौने च बढ़ोतरी लेई योजना गी लागू करा'रदा ऐ।

<><><><><><>

BJP MLA HP

हिमाचल प्रदेश दे 6 साबका विधायक, जिनेंगी बतौर कांग्रेस दे विधायक अयोग्य करार दित्ता गेदा हा, अज्ज नमीं दिल्ली च बीजेपी च शामिल होई गे न। इस मौके केन्द्री मंत्री अनुराग सिंह ठाकुर ते हिमाचल प्रदेश दे साबका मुख्मन्त्री जय राम ठाकुर बी मजूद हे। बीजेपी च शामिल होने आले इनें साबका विधायकें च सुधीर शर्मा, रवि ठाकुर, इन्द्र दत्त लखनपाल, देवेन्द्र भुट्टो ते चैतन्य शर्मा शामिल न। हिमाचल

प्रदेश थमां त्रै अजाद विधायक बी अज्ज बीजेपी च
शामल होई गे न।

<><><><><><>

Bihar-LS

वरिष्ठ कांग्रेस लीडर ते लोकसभा दी साबका स्पीकर
मीरा कुमार होरें अज्ज घोषणा कीती ऐ जे ओह
ऐकती लोकसभा चुनां नेई लड़गंन। 5 बारी सांसद
रेही चुकी दियां मीरा कुमार केई बारी सासाराम
संसदीय हल्के दी नुमायंदगी करी चुकी दियां न। उनें
अपने इस फैसले दी घोषणा सोशल मीडिया पर कीती
ऐ। दस्सेआ जा'रदा ऐ जे ओह बिहार च ग्रैंड एआंइस
आस्सेआ सीटें दी बंड गी लेइयै नाखुश न।

<><><><><><>

Jaishankar

विदेश मंत्री डॉ. एस.जयशंकर होर त्रऊं दिनें दे दौरे
पर अज्ज सिंगापुर पुज्जी गे न। अपने दौरे दी

शुरूआत उनें नेताजी सुभाष चन्द्र बोस ते इंडियन नेशनल आर्मी दे दलेर जवानें गी श्रद्धांजलि अर्पित करदे होई कीती। सोशल मीडिया दी इक पोस्ट च डॉ. जयशंकर होरें आकखेआ जे सिंगापुर च आईएनए मारकर इनें जवानें दी देशभक्ति ते अदम्य जज्बें दा प्रतीक ऐ ते एह ओने आली रिपोर्ट पीढ़िएं गी सदा प्रेरित करदा रौहग।

<><><><><><>

MEA Germany

विदेश मंत्रालय नै भारत दे अंदरूनी मामलें च जर्मनी दे विदेश दफतर दे प्रवक्ता दिएं टिप्पणिएं खलाफ नमीं दिलली च जर्मन मिशन दे उप-प्रमुख गी तलब करियै अपना सख्त बरोध दर्ज करोआया ऐ। मंत्रालय नै आकखेआ ऐ जे भारत ऐसी टिप्पणिएं गी न्यायिक प्रक्रिया च दख लते भारत दी न्याह पालिका दी आजादी गी घट्ट आंकने दे रूपै च दिक्खदा ऐ।

विदेश मंत्रालय नै आक्खेआ जे भारत कनून दी पालमा करने आला इक मजबूत लोकतांत्रिक देश ऐ।

<><><><><><>

Martyrdom Day

अज्ज शहीद—ए—आजम भगत सिंह, राजगुरु ते सुखदेव हुंदा शहीदी ध्याड़ा ऐ। अज्जै दे दिन सन् 1931 च इनें महान देश भक्तें लाहौर दी सेंट्रल जेल च “इंकलाब जिंदाबाद” दे नारे लांदे होई खुशी खुशी फांसी दे फंदे गी कबूल करी लैता हा। अज्जै दे दिन मां भारती दे इनें सपूतें गी देश भरै च भावें भरोची श्रद्धांजलि अर्पित कीती जा करदी ऐ। आकाशवाणी दे संवाददाता दी रिपोर्ट मूजब पंजाब च भारत सिंह हुंदे जद्दी ग्रां सनें फिरोजपुर जिले दी हुसैनीवाला थाहर राश्ट्री शहीदी स्मारक पर बी अज्ज श्रद्धांजलि कार्यक्रमें दा आयोजन कीता गेआ। 23 मार्च 1931 गी शहीद भगत सिंह, राजगुरु ते सुखदेव हुंदा खीरी संस्कार हुसैनीवाला च गै कीता गेआ हा।

<><><><><><>

LG-Tributes

जम्मू कश्मीर दे उपराज्यपाल मनोज सिन्हा होरें मां भारती दे सपूत ते महान सुतैंतरता सेनानी शहीद—ए—आजम भगत सिंह, सुखदेव ते राजगुरु होरें गी अज्ज उंदे शहीदी दिवस पर श्रद्धांजलि अर्पित कीती ऐ। उनें आक्खेआ ऐ जे इनें महान देशभक्तें दी दलेरी, क्रांतिकारी जज्बा ते निस्वार्थ बलिदान म्हेशां असें सब्बनें गी प्रेरित करदा रौहग। उपराज्यपाल होरें डॉ. राम मनोहर लोहिया होरें गी अज्ज उंदी जयंति पर श्रद्धांजलि अर्पित कीती ऐ।

<><><><><><>

SC-Judicial

सुप्रीम कोर्ट दे जज जस्टिस सूर्यकांत होरें अज्ज जिला सतह पर न्यायपालिका दी बवस्था गी मजबूत करने पर जोर दिंदे होई आक्खेआ ऐ जे एह आम

जनता दे सामने पूरी न्याय बवस्था दा असल च नेतृत्व करदी ऐ। अगरतला च त्रिपुरा न्यायिक अकादमी दे 10में न्यायिक सम्मेलन गी संबोधत करदे होई जस्टिस सूर्यकांत होरें आखेआ जे जिला अदालत सतह पर न्यायिक बवस्था निगगर ते असरदार बनाई जानी लोड़चदी। उनें आखेआ जे बड़े मते लोकें लेई हाई कोर्ट तोड़ पुज्ज असान कम्म नेई होंदा ते भलेयां सुप्रीम कोर्ट तगर पुज्जना बड़े घट्ट लोकें दे बस दी गल्ल होंदी ऐ। उनें आखेआ जे एह न्यायिक बवस्था गे ऐ जेहड़ी बक्ख-बक्ख सतह पर तनाजें-मसलें दा नबेड़ा रमानदारी आले ढंगै सिर करियै समाज च सद्भाव बनाई रखने च मदद करदी ऐ।

<><><><><><><>

Russia Attack Reaction

पूरी दुनिया रूस च होए दे आतंकी हमले दी सख्त निंदेआ करा करदी ऐ। संयुक्त राष्ट्र महासहचव अनटोनियो गुलरेस होरें जंदी रातीं दे इस हमले पर

गैहरा दुख ते सदमा जाहर कीता ऐ ते एहदी सख्त लफजें च निंदेआ कीती ऐ। संयुक्त राष्ट्र सुरक्षा परिषद नै सब्बने मुल्खें गी आक्खेआ ऐ जे ओ रूस दी सरकार कन्नै सक्रियता कन्नै सैहयोग करन ते कन्नै होर दुए इदारे—अजेंसिएं कन्नै बी तां जे इस आतंकी हमले दे दोषिएं गी सजा दोआई जाई सकै। प्रधानमंत्री नरेन्द्र मोदी होरें मास्को दे क्रोकस सिटी हाल च होए दे इस हमले दी सख्त निंदेया कीती ऐ। अमरीका, यूरोपीय संघ, बरतानिया, फ्रांस, स्पेन ते संयुक्त अरब अमिरात नै बी इस हमले पर गैहरा दुख ते जबरदस्त रौह प्रगट कीता ऐ। फ्रांस दे राष्ट्रपति इमैनुअल मैक्रां होरें मारे गेदे लोकें दे परिवार आलें समेत रूस दे सब्बने नागरिकें कन्नै हमदर्दी प्रगट कीती ऐ। स्पेन नै आक्खेआ ऐ जे ओ मास्को च होए दे इस हमले करी इक बड्डे सदमे च न ते दुखी बी। इटली दी प्रधानमंत्री जिआर्जिया मेलोनी होरें आक्खेआ ऐ जे एह आतंकवाद दी इक बड़ी मती जालमाना कारवाई ऐ। उनें प्रभावत लोकें ते उंदे परिवार आलें

कन्नै गैहरी हमदर्दी प्रगट कीती ऐ। आतंकी संगठन इस्लामिक स्टेट खोरासान नै मास्को च इक संगीत सम्मेलन पर हमले दी जिम्मेवारी लैती ऐ। रूस दी जांच कमेटी नै आक्खेआ ऐ जे फौजी वर्दी लाए दे बंदूकधारिणं ऑटोमैटिक थेआरें कन्नै अन्नेवाह गोलियां चलाइयां।

<><><><><><>

Russia Attack

रूस दी राजधानी मास्को दे नेड़े इक लोकप्रिस कंसर्ट हाल च जंदी रातीं थेआरबंद हमलावरें आस्सेआ कीती गेदी गोलीबारी च 115 लोक मारे गे ते 120 शा मते लोक जख्मी होई गे। आतंकवादी गुट आईएसआईएस नै इक ब्यान जारी करियै इस हमले दी जिम्मेदारी लैती। उआं उनें अपने इस दावे दे हक्कै च कोइ सबूत पेश नेई कीता ऐ। तोआई प्रधानमंत्री नरेन्द्र मोदी हुंदे सनें दुनिया दे केई देशों दे नेताएं इस हमले दी सख्त निंदेआ कीती ऐ। सोशल मीडिया दी

इक पोस्ट च मोदी होरें आक्खेआ ऐ जे दुक्खै दी इस घड़ी च भारत पूरी इकजुटता कन्नै रूस दी सरकार ते उत्थुं दे लोकें कन्नै खड़ोते दा ऐ। तोआई रूस नै आक्खेआ ऐ जे इस हमले दे सिलसिले च 4 संदिगध बंदूकधारिणं सनें 11 लोकें गी हिरासत च लैता गेआ ऐ। मास्को च होए दे आतंकवादी हमले च मरने आलें प्रति सोग व्यक्त करदे होई नमीं दिलली च रूस दे राजदूती दफतरै च राष्ट्री झंडा अद्दा झुकाई दित्ता गेदा ऐ। सोशल मीडिया दी इक पोस्ट च दूतावास नै इस हमले च मारे गेदे लोकें दे परोआरें प्रति संवेदना व्यक्त कीती ऐ ते जख्मिणं दे तौले नरोए होने दी कामना बी कीती ऐ।

<><><><><><><>

SDG-LoC

बीएसएफ दी पच्छम कमान दे डरैक्टर जनरल योगेश बहादुर खुरानिया होरें कश्मीर घाटी दा अपना 5एं दिनें दा दौरा सम्पन्न कीता। इस दौरे च उनें नियंत्रण

रेखा पर ओपरेशन सरबंधी तैआरिं ते सुरक्षत स्थिति दा जायजा लैता। बीएसएफ प्रवक्ता मूजब एसडीजी होर 18 थमां 22 मार्च तोड़ी कश्मीर फ्रंटियर दा महत्वपूर्ण दौरा करदे होई बीएसएफ आस्सेआ देश दी सीमाएं दी राखी करने दे निश्चय गी पक्का कीता। उनें 15 कोर दे जीओसी लैफिटनेंट जनरल राजीव घई हुंदे कन्नै मलाटी करियै बीएसएफ ते सेना दे सांझे अभियानें पर गल्ल कीती। एसडीजी बीएसएफ होरें सीमा सुरक्षा बल दे जुआनें आस्सेआ उच्चे स्तर दी निगरानी ते सतर्कता दी प्रशंसा गी भंग करने दी कुसै बी कोशश गी नाकाम करने लेई आक्खेआ।

<><><><><><>

BJP-CEC

भारतीय जनता पार्टी दी केन्द्रीय चुनां कमेटी दी अज्ज नमीं दिल्ली च पार्टी दे मुख्यालय च बैठक होने आली ऐ तां जे लोकसभा चुनाएं दे मेदवारें गी परतियै मंजूरी दित्ती जाई सकै। प्रधानमंत्री नरेन्द्र मोदी भाजपा दे

राश्ट्रीय अध्यक्ष जे.पी.नड्डा, गृहमंत्री अमित शाह हुंदे कन्नै कमेटी दे सदस्य ते राज्यें थमां पदाधिकारीएं सनें बैठक च शामिल होआ'रदे न।

<><><><><><>

IPL

आईपीएल सीजन 17 च अज्ज दऊं मैच खेड्डे जाने हे। पैह्ला मैच दिल्ली कैपिटल्स ते पंजाब किंग्स बश्कार खेड्डेआ गोआ जेह्ड़ानै जितती लैता। पैहले बल्लेबाजी करदे होई दिल्ली दी टीम नै 20एं ओवरें च 9 विकटां मोहाइयै 174 रंज बनाए जेह्दे परते च पंजाब दी टीम नै दिल्ली कैपिटल्स गी 4 विकटें कन्नै हराई दित्ता। दुआ मैच रातीं 8 बजे कोलकाता नाईट राईडर ते सनराइजर्स हैदराबाद बश्कार खेड्डेआ जाग।

<><><><><><>

Chhatisgarh

छत्तीसगढ़ दे दांतेवाड़ा जिले च माओवादिएं आस्सेआ कीते गेदे बम्ब धमाके च "बस्तर फाइट्स" दे दऊं जवान घायल होई गे न। साढ़े संवाददाता नै जानकारी दित्ती ऐ जे एह धमाका उसलै होआ जिसलै सीआरपीएफ बस्तर फाइट्स ते जिला रिजर्व गार्ड दी सांझी टीम किरंदुल च तुपाई अणियान चला करदी ही। घायलें गी इलाज लेई तुरत राजधानी रायपुर भेजी दित्ता गेआ। तोआई बीजादुर जिले दे पिड़िया इलाके च सुरक्षा बलें ते माओवादिएं बश्कार अज्ज इक टाकरा छिड़ी पेदा ऐ। सूत्रें मूजब खीरी जानकारी थोने तगर सुरक्षाबलें दऊं माओवादिएं दा सफाया करी दित्ते दा हा।

<><><><><><>